

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

Concilium Floridi In Gallia, Ob Cavsam diuortii inter Ludouicum Francorum
regem & Eleonoram filiam ducis Aquitaniae, anno MCLI. sub Eugenio papa
III.

urn:nbn:de:hbz:466:1-15588

CONCILIVM FLORIDI
IN GALLIA , OB CAVSAM
diuortii inter Ludouicum Francorum regem & Eleo-
noram filiam ducis Aquitaniæ, anno MCL. sub Euge-
nio papa III.

N O T A .

* *Concilium.*] De hoc episcoporum Conuentu Sugerius abbas sancti Dionysii, qui interfuit, habet ista : *Interea aliqui venerunt ad regem, de cognatione sua progeniti, qui ortum & derivationem parentela sue nouerant, & dixerunt (sicut & verum erat) quod inter se & Eleonoram uxorem suam erat consanguinitatis affinitas talis, quod inter eos de iure lex matrimonialis non poterat conuenire; & inde per iuramentum probationem legitimam offerebant. Quibus rex sic respondit: Quod contra Deum & contra legem ecclesie eam nollebat habere, volens per omnia statuta ecclesie, & legem matrimonii iniurabiliter obseruare. Et ut istius rei veritas posset veracius indagari, die Martis ante festum passionis Floridi in castro Baugenciaci Hugonem archiepiscopum Rothomagensem & quartum Lanfredum Burdigalensem cum pluribus suis coepiscopis & baronibus Francie fecit solenniter conuenire. Ante quorum presentiam steterunt illi qui genus inter regem & reginam se probaturos obtulerant, qui etiam eiusdem generis erant parentes & cognati, & per iuramentum suum dixerunt, quod rex & regina se cognatione contingebant, & quod secundum Deum & legem coniugalem debat inter eos diuortium celebrari. Quo sufficienter probato in presencia prelatorum, fuit inter eos per consensum partium matrimonium disolutum. Hæc Sugerius.*

V I T A
ANASTASII PAPÆ IV.

ANASTASIVS IV. ciuis Romanus, ex regione Subura, filius Benedicti, antea vocatus Conradus, homo veteranus, & in consuetudine Romanæ curiæ, teste Frisigeni libro 2. de vita Friderici, exercitatus, ex abbate sancti Anastasii Veleriæ dioecesis, & cardinale episcopo Sabino, ad supremum ecclesiæ gradum euectus est anno Domini 1153. vii. Idus Iulii, tempore Friderici I. imperatoris. Continuator Sigeberti. Errat ergo Dodechinus in appendice

Anastasius
Eugenio
surrogatus
qualis &
quando.